

山谷先生年譜

黃山谷年譜

明嘉靖本

黃

山

商

季

普

三

十

齊



八集之有年譜尙矣

九太史詩文徧天下而年譜獨闕近世惟傳蜀本詩集舊注
援據爲詳第循洪氏所編退聽之舊自元豐戊午以上無所
稽焉觀者病之此固家之子孫不容不任其責當不揆少日
過庭麤聞舊事竊嘗有志於是中間多病廢志十遺七八日
復老矣懼將泯沒蓋嘗編次遺文爲別集二十卷然於編年
無所考證因悉收豫章文集外集別集尺牘遺文家藏舊藁
故家所收墨蹟與夫四方碑刻它集議論之所及者旁羅博
搜系諸歲月獨恨螢生晚距先太史之歿今已百年一時哀
次豈敢妄謂無所差舛姑俟博聞君子質而正之昔山房李
彤季敵於豫章外集有言雖先生晚年刪去後學安敢棄遺

此則當今日掇拾之意其或真蹟既亡別無考證則寧略之
尚幾不滋異時之疑至於見聞單淺排纘無敘此則孤陋不
學之罪又奚敢辭歲在屠維協洽日南至諸孫留謹序

事母孝有曾閔之行安康臥疾彌年公晝夜視顏色手湯劑
衣不解帶時其疚痛痾痒而敬抑搔之至親滌廁腴浣中裋
云遭母喪哀毀過人得疾幾殆既還葬因廬墓側終喪先是
蘇公嘗薦公自代其略曰瑰瑋之文妙絕當世孝友之行追
配古人世以爲實錄云服除除祕書丞集賢校理同修國史
辭疾乞守太平除宣又改鄂未幾管句亳州明道宮紹聖初
議者言神宗實錄多誣失實召至陳留問狀三問皆以實對
責授涪州別駕黔州安置命下左右或泣公色自若投牀大
鼾卽日上道君子是以知公不以得喪休戚芥蒂其中也至
黔寫開元寺摩圍閣以登覽文墨自娛若無遷謫意俄以外
兄作本路常平官避嫌移戎州公一不以介意與後生講學

山谷先生集
公子瞻見公詩於孫公莘老家絕歎以爲世久無此作矣因
以詩往來會蘇公以詩抵罪公亦罰金直差知吉州太和縣
改授宣德郎太和號難治公以平易近民民亦不忍欺會頒
鹽策諸邑爭授多數獨公平平耳大吏不說而民安之到官
年餘移監德州德平鎮公奉佛最謹過泗州僧伽塔遂作發
願文痛戒酒色與肉食但朝粥午飯如浮 時元豐七年三
月也序遷奉議郎哲宗卽位轉承議郎賜五品服乃以祕書
省校書郎召入館未幾除修神宗實錄院檢討官集賢校理
逾年除祕書省著作佐郎朝年數議除美官爲言事者所梗
不果又遷朝奉郎遷郊當任子舍其子而官其兄之子實錄
書成當進一官丐回授母夫人李朝廷從之遂君安康郡公

嫁將仕郎舒城李文伯公學問文章天然成性落筆妙天下
元祐中眉山蘇公號文章伯當是時公與高郵秦少游宛丘
張文潛濟源晁無咎皆游其門以文相高號四學士一文一
詩出人爭傳誦之紙價爲高而公之文尤絕出高妙追古冠
今燭後輝前晚節位益點名益高世以配眉山蘇公謂之蘇
黃公嘗游潯皖樂山谷寺石牛洞之林泉因自號山谷老人
天下皆稱曰山谷而不名字之以配東坡云公楷法妍媚曰
成一家游荊州得名木蘭亭愛翫之不去手因悟古人用筆
意作小楷目進曰他日當有知我者草書尤奇偉公歿後人
爭購其字一紙千金云

史贊曰自李杜沒而詩律衰唐末以及五季雖有以比興自

孜孜不怠兩川人士爭從之游經公指授下筆皆有可觀今
上登極復宣德郎監鄂州在城鹽稅改奉議郎簽書寧國軍
節度判官改朝奉郎知舒州文召以爲吏部員外郎辭疾不
拜上章乞郡得知太平州到官九日而罷管勾洪州玉隆觀
寓居江夏公風韻灑落胸中飯蔬初無怨恩談笑諧謔或以
忤物蓋嘗忤趙丞相正夫而公不屑也公往嘗荆州承天
院塔記轉運判官陳舉承風旨采摛其閒數語以爲幸災謗
國遂除名編隸宜州雖被橫逆未嘗一語尤之浩然自得也
崇寧四年九月三十日卒於宜州寓居年六十有一大觀三
年十一月歸葬雙井祖塋之西先配孫氏莘老之女封蘭溪
縣君後配謝氏師厚之女封介休縣君一男曰相一女曰睦

朝奉郎新除太常博士陳諱撰夫子曰有德者必有言蓋言者文也德者實也德稱乎文則文之著乃實之形也無其實而有其文抑末矣太玄法言子雲之文度越諸子而卒無以蓋其美新之失河東之文雄深雅健而比之匪人終身不悔又奚足道哉黃公以文名世人知其磊磊軒天地者此也不知其真履實踐作乎不可企及非吾夫子所謂有德者必有言乎初蘇文忠公見公詩於孫公覺坐上後過李公常於濟南見公詩文以爲超塵獨立萬物之表由是聲名大振勢以蘇黃並稱然公之學奚止於文哉紫陽朱夫子讀東都事略惜其好處不載具稱公爲孝友周文忠公記分寧祠非徒曰瓌瑋之文妙絕當世而又曰孝友之行追配古人則公之平

名者然格下氣弱么麼甌毆無以議爲也宋興楊文公始以文章莅名然至爲詩專以李義山爲宗以漁獵掇拾爲博以儷花鬪果爲工號稱崑崙體嫣然華靡而氣骨不存嘉祐以來歐公稱太白爲絕唱王文公推少陵爲高作而詩格大變高風之所扇作者閒出班班可述矣元祐閒蘇黃並世以碩學宏鼓行士林引筆行墨追古人而與之俱世謂李杜歌詩高妙而文章不稱李翱皇甫湜古文典雅而詩獨不傳惟二公不然可謂兼之矣然世之論文者必宗東坡言詩者必右山谷其然豈其然乎山谷自黔州以後句法尤高筆勢放縱實天下之奇作自宋興以來一人而已

文獻通考

新增太常寺議諡

中浩然不衰者抑亦可想見矣公之所學如此守道守官如此公之處生死禍福如此信乎其爲有德之士其可與操觚翰詠聲音警采色者例之乎雖自繼述之論起公在黨籍率爲罪者然自紹興以求褒貶有詔一時之屈百世之伸也夫復何憾獨易名之典缺非所以表前哲而風來世謹按諡法曰道德博聞曰文能因所守曰節公之文名愈久愈著如皦日之行天終古不滅非道德博聞不及此公之氣節愈性愈勁如精金之在冶百鍊不磨非能固所守不及此請以文節諡公宜無歉

考功郎覆議

奉議郎尙書考功郎兼崇政殿說書趙景偉撰山谷先生太

生凡性分所當盡者真無毫髮遺憾矣濂溪周夫子闡明道
學上接孔孟不傳之祕世固先有知者雖以德獻趙公亦幾
失之眉睫之間而潘公興嗣銘其墓又上以善談明理稱之
惟公知其人品甚高光風霽月用一語獨能形容有道者氣
象惟賢知賢則其爲元祐史官也荆公勿令上知之語陸左
丞隱而不書公爭辯甚苦辭氣壯厲至因爲佞史紹聖閒羣
小用事追仇元祐史官詔拘畿縣以報所問晁堯叟惕失據公
隨問隨答弗惕弗隱而謫黔徙戎頓豁萬狀略無幾微見顏
面其爲承天塔記也部使者阿順風旨萬千交扇遂有宜州
之行人不堪其憂而公處之裕如也見者謂公無媿於東都
黨固諸賢願寫范孟博一傳公又默誦大書盡卷乃止則胸

山谷祠記

前賢之表薄俗之敦也茲祠是已鼓舞幹旋之機微吾人孰與於斯擴而競力者而嗇施寧之俗舊矣忠節凜凜仁義藹然寧前後又不僅山谷先生一人風雨晦冥雞鳴喈喈吾民東籜之天奚俗之能泯患無揚飛雲之大風破頑陰之震霆爾按文節謚議先生文墨之環偉妙絕姑毋論已如蔽上謨與之斤斤寢自若炎荒幸災之竄幾微不形夫何胸中浩然之不衰又如鑪香隱几萬慮俱消木落江澄本根獨在又何頽然之不化於物茲其御風騎氣脫屣埃壒之表回視薄俗真猶鴟鴞之嚇鵲鸞燕雀之笑鴟鴞也天下惟風以動之樹此風聲民何迷之不感俗何澆之不凜茲祠剏於寧囂甫靖

史黃公名配蘇長公當與穹壤相弊旣沒幾二百年節惠未
立茲非聖世一闕典與屬有請於朝下太常議謚文節移考
功覆議議曰夫蕭條澹泊者性分之真而嗜慾深者天機必
淺是道蓋出於山谷先生有得焉先生詞章人神出天巧妙
無餘可以謂之文矣先生出處夷險一致至死無悔可以謂
之節矣抑嘗邇先生心事而得其所以本然者鑪香隱几萬
慮煙消木落江澄本根獨在其遺物自得雖覆卻萬方陳乎
前不足入其室故翱翔殿館澹然江湖斥死窮山而頽然物
化孝友之行瑰瑋之文非性天之發妙理之寄也所謂御風
騎氣獨立萬物之表蘇長公之言於是乎信尋類取稱文儷
以節以易先生名太常之議是謹議

修大明會典副總裁後學南昌張元楨撰

之時主之者欽差巡撫都憲林公俊贊之者分守分巡王公
綸王公純承之者郡守山陰祝侯瀚二守新安江侯昌而始
終戎之者節推蘇熟虞山陳侯察勒石紀之者州守葉君天
爵也林公氣節雄天下二王公亦然祝江陳三侯泊葉君皆
江右守佐志操之有稱者則茲祠之立率先生千古一類人
物鼓舞幹旋大風雷霆其關係豈小哉弘治癸亥六月始工
是冬十二月訖工材撤諸淫祠出諸勸助有租入以永其繼
有裔孫以守其祀州義士王庭蕙陳潛查仲春協力周旋其
事云

弘治十八年乙丑秋九月中旬賜進士出身嘉議大夫吏部
左侍郎兼翰林院學士掌詹事府知制誥前經筵日講官纂